

陽曲縣志

山縣志卷之十三

雜述志

戴夢熊曰國有金匱石室之文家有著書立言之
 學往見稗官野紀摺摺成錄藏諸名山亦克不朽
 如路史拾遺固纏纏乎其言之矣然懼其遠而誣
 華而靡實也列禦寇曰帝王之事或隱或顯億不
 識一當身之事或聞或見萬不識一目前之事或
 存或廢千不識一苟有所識而弗傳猶之乎不識
 也爰取耳目覩記有關世道者著之篇庶輶軒氏
 有所採乎作雜述志

山縣志

卷之十三

雜述

一

目錄 計三條

帝后

封建

叢紀



帝后

戴夢熊曰陽曲邑也何為志帝后曰遡舊也遡舊則陽曲非邑也雖然今之陽曲亦非僅邑也邑而郡邑而省並不必遡舊也歷稽往代或建都或竊據或發跡皆此陽曲也既為陽曲矣何弗志乃亦有偶爾遊幸者並登史簡何也曰車駕所至民被澤焉尚有廟祀不絕者如之何不志也志帝后

漢文帝

諱恒高祖中子太后薄氏出初立為代王都中都高后崩諸呂為亂大臣共誅之乃相與謀立代王奉天子璽迎之代王數讓羣臣固請乃奉法駕即位在位二十三年嘗幸太原賞賜故舊

陽曲縣志

卷之十三

帝后

二

晉書卷十三

羣臣賜里民牛酒復晉陽中都民三歲留飲十餘日故晉人立廟祀之廟在府城東北

魏齊文宣帝

諱洋姓高神武帝歡第二子母武明太后生洋於晉陽一名晉陽樂魏封太原

郡公進封齊王洋自居晉陽寢室每夜有光如晝後受魏禪都於鄴以太原為義旗初起地詔復三年冬十月入晉陽宮曲赦并州太原郡晉陽縣及相國府四獄囚十年十月暴崩於晉陽宮德陽堂時年三十一葬於武寧陵謚文宣廟號顯祖

廢帝

諱殷字正道文宣帝長子母李皇后天保元年立為皇太子時年六歲溫裕開朗有人君

之度文帝崩即位於晉陽宣德殿乾明元年武明太皇太后令廢為濟南王以常山王演入纂大統

皇建二年殂於晉陽時年十七葬於武寧陵謚閔悼王

昭帝

諱演神武第六子文宣帝母弟武明皇太子早所愛重廢山帝殷立之即位於晉陽宣德

殿此討庫莫奚出長城敵奔遁分兵致討大獲
馬栢總入晉陽崩於晉陽宮時年二十七謚曰孝
昭葬於文靖陵初演與濟南約不相害乃密行鴆
毒濟南不從扼而殺之後演在晉陽宮與毛夫人
見文宣從揚情燕子獻等言相與復讎病漸危篤
太后視疾問濟南所在者三演不對太后怒曰殺
去耶不用吾言死其宜矣臨終唯言伏罪枕叩頭
求哀長廣王入纂大統手書云宜將吾妻子置一
好處勿學
前人也

後主 諱綿武成帝長子母胡皇后夢於海上坐玉
盆日入裙下遂有娠生緯於并州即天統元
年即位於晉陽宮以晉陽大明殿成赦文武百
官進二級免并州君城太原一郡來年租四年詔
掖廷晉陽中山宮人等及并州太官官口二處其
年六十以上及有癯患者仰所司簡放隆化元年
安德王延宗即皇帝位於晉陽改隆化為德昌元
年與周師戰於晉陽大敗為周師所獲

陽曲縣志

卷之十三

帝后

三

六百三十六

唐高祖神堯皇帝

姓李氏諱淵隴西成紀人隋末天

下亂豪傑竊起各僭位號於四方
次子秦王世民乃謀起義於晉陽淵曰今日破
家滅軀亦由汝化家為國亦由汝於是受恭帝禪
國號大唐舉晉陽精兵掃除亂略六年遂定海內
在位九年壽七十一

太宗皇帝

諱世民高祖次子長建成叔法霸早逝
季元吉世民器量特異年四歲有書生

見日龍鳳之姿天日之表其年幾冠必能濟世安
民因名之高祖守太原晉陽令劉文静見世民異
之語宮監裴寂曰命世才也文静坐與李密昏繫
獄世民省之文静與謀大事且曰今羣盜萬數有
真主可驅而用之太原民皆避盜入城某為令數
年知其豪傑收集可得千萬人尊公所將兵復數
萬以此入關不過半年帝業成矣世民遂與裴寂
說高祖起兵九日拔西河宋老生拒於霍邑會久
雨乏糧欲引還世民諫不聽繼泣諫曰兵以義動
進則克退則散亡無日矣高祖悟尋霽糧亦至

生克... 威聖風... 勝之威聖風... 擢為天策上將開文學館延房杜等十八人為學士與選者人謂之登瀛洲武德九年殺太子建成齊王元吉立世民為太子傳位二十三年崩壽五十三

唐莊宗

諱存勗晉王克用長子克用破王行瑜使存勗獻捷於京師昭宗異其狀貌賜以鸞

鵠危翬翠盤撫其背曰兒有奇丰後當富貴無忘予家及長善騎射膽勇過人稍習春秋大義克用卒存勗方哀哭未及見將士張承業入曰大孝在不墜基業多哭何為因扶存勗出即晉王位於太原大會諸將謀曰上黨河東之藩蔽無上黨是無河東也出其不意破之必矣取威定霸在此一舉遂進兵直抵夾寨大敗梁兵梁王聞夾寨不守驚嘆曰生子當如李亞子克用為不死矣吾兒豚犬

陽曲縣志

卷之十三

帝后

四

六百三

耳後與梁大戰數百卒滅梁踐天子祚國號大唐尊晉王為太祖武皇帝立廟於太原自唐高祖太宗懿宗昭宗為七廟

後晉高祖皇帝

姓石諱敬瑭本出於西人為入沈厚寡言明宗愛之妻以女隸明宗帳下

梁將劉鄩攻清平圍莊宗敬瑭以千餘騎橫梁驍擊敗之莊宗壯之手嚼以酥由是名動軍中明宗即位拜為保義軍節度使歷拜河東節度使大同帝國振武威塞等軍番漢馬步軍總管愍帝即位加中書令復鎮太原廢帝即位疑敬瑭必反徙天平敬瑭不受命曰先帝授吾太原使老焉今生故而遷是疑吾反也於是上表論廢帝不當立立許王從益為明宗嗣廢帝下詔削敬瑭官爵張進達討之敬瑭求援於契丹許以十六州地契丹自馬門入至太原遣人請敬瑭敬瑭報曰皇朝在成功莫可遂賊進達軍曰吾三十里

曰晉

後漢高祖皇帝

姓劉氏初名知遠其先沙陀部人世居太原晉高祖與梁兵戰得勝馬甲

斷梁兵及知遠以所乘馬援之復取高祖馬殿而還高祖德之及高祖即位於太原以知遠為侍衛親軍都虞候領保義軍節度使出帝立拜中書令封太原王又封平北王契丹犯京師出帝北遷張彥威等上牋勸進即皇帝位於晉陽立李氏為皇后以漢高皇帝為高祖光武皇帝為世祖皆不祧

地漢神武皇帝

諱旻高祖即帝位以旻為太原尹隱帝少立政在郭威聽判官鄭珙迺罷

上供征賦收豪傑籍下民以益兵郭威弒隱帝復殺贊旻乃即皇帝位於太原惡周之殺贊也乞兵於契丹契丹助兵以攻周潞州兵敗於高平又被周師進追圍城以憂得疾卒旻嘗謂張元徽等曰

陽曲縣志

卷之十三

帝后

五

五五七六

吾以高祖之業贊之寃義不為郭公屈耳期與公等勉力以復家國之仇至於稱帝一方豈獲已耶子承鈞立宋太祖因界上謀者謂承鈞曰君家與周氏世為讐宜其不屈今我與爾無所問何為困此一方之人若有志於中國宜下太行以決勝負承鈞遣諜者復命曰河東土地甲兵不足以當中國之十一然承鈞家世非叛者區區守此蓋懼漢氏之不血食也太祖哀其言故終其世不加兵承鈞卒養子繼恩立薛氏子為供奉官侯霸榮等刺死繼元立柯氏子俱旻女所生繼元為人忍旻子十餘人皆為所殺又縊殺其母郭氏於承鈞柩前劉氏子孫無遺類矣太宗皇帝立繼元出降封彭城公

漢薄太后

漢文帝母父吳人姓薄氏與故魏王宗家女魏媼通生后許負相后當生貴子魏豹

立為魏

王魏媼內其女於魏宮豹初與漢擊楚及

許負

言必獨喜因聚漢漢計平之以后入魏室

入織室見后色內入後宮后一夕夢若龍生
腹以自上上曰此貴徵也吾與爾成之後有娠生
于是為文帝封於代后從焉呂后崩諸呂為亂大
臣共誅之迎文帝於代立為天子備法駕迎后尊
為皇太后陽曲北三十里村名皇后園相傳為后
遊幸地而保德有娘娘灘謂后駐蹕於此土人立
廟至今

晉哀靖皇后

太原晉陽人司徒左長史濛之女后初
為瑯琊王妃哀帝即位立為皇后追尊
母爰氏為安國鄉君后在
位三年無子興寧二年崩

北齊武明皇后

代人司徒內于女少明悟強族聘之
皆不從及見神武城上執役驚曰真
吾夫也乃使婢致意又數致私財使以聘已父母
不得已許焉神武既有澄清之志傾產以結英豪
密謀秘策后恒參預神武逼於蠕蠕欲娶其女而
未次后曰國家大計願不歿也及蠕蠕公主至后

陽曲縣志

卷之十三

帝后

六

六

避正室處之慈愛諸子不異已出弟昭以功名自
達未嘗私請爵位文宣受魏禪尊為皇太后孝昭
與后密謀下令廢濟南孝昭即位復為皇太后后四
月崩時年六十二合葬義平陵太后凡孕六男二
女皆感夢孕文襄則夢一斷龍孕文宣則夢大龍
首尾屬天地張口動目勢狀驚人孕孝昭則夢龍
龍於地孕武城則夢龍浴於海孕魏二后並夢月
入懷孕襄城博陵二王夢鼠入衣下

後晉高祖皇后

李氏唐明宗皇帝女后初號永安寧公
主自廢帝立常疑高祖及三年公主

自太原入朝于秋節辭歸廢帝醉語公主曰爾歸
何速欲與百即及耶及高祖即位公主當為皇后
以宗廟未立謙抑未遑迄高祖終無册命出帝立
册尊為太后為人彊敏高祖常嚴憚之出帝馮皇后
后用事太后數訓誡之出帝不從及於敗耶律
光封帝為負義侯遷於黃龍府使人謂太后曰
開重貴不從母教至於此可求自便勿與偕行
后答曰重貴事妾甚熱所失者遠先君之志

國之歡然重貴北去母不從子欲何所歸竟隨北行至黃龍府累徙於建州憲疾謂出帝曰我死焚其骨送范陽佛寺無使我為北地鬼也遂卒

後漢高祖皇后

李氏晉陽人其父為農高祖少為軍卒牧馬晉陽夜入其家劫取之生隱

帝高祖起兵太原賞軍士帑藏不足欲歛於民后諫曰方今起事號為義兵民未知惠而先奪其財殆非新天子所以救民之義也今後宮所有請悉出之雖不足亦不以為怨高祖改容謝之即位册為皇后隱帝立册尊為皇太后周太祖起兵嚮京師隱帝欲出自臨兵太后止之曰郭威本吾家人以詔諭威則君臣之際庶幾尚全隱帝不從遂及於難周太祖立請事太后如母上尊號曰昭聖皇后

蜀李皇后

蜀帝孟昶母晉王李克用弟克讓之女克用以后妻昶父孟知祥莊宗時知祥為西

陽曲縣志

卷之十三

帝后

七

四百七

川節度使後即皇帝位於蜀子昶嗣位後降於宋太祖后從至京師為人明辨甚見優禮詔書稱為國母嘗召見勞之曰母善自愛無戚戚思蜀他日當送母歸后曰妾本家太原儻得歸老故鄉不勝大願昶至京師七日而卒后不哭以酒酹地祝曰汝不能死社稷苟生以取羞吾所以忍死者以女在也吾今何用生為因不食而卒

封建

戴夢熊曰歷代迭興必建國以封本支所以敦親親之誼也然亦有豐功偉烈異姓之臣而裂土以封者總欲以屏藩王國耳三晉古稱雄都分封頗繁今但取其繫本郡本邑者志之其他繫別郡邑者雖居本城不載也外此又有封於斯未蒞其地者亦並志之取其繫之乎本郡本邑云爾志封建上古臺駘少暉金天氏裔子昧為泆冥師生允格臺駘臺駘能業其官宜汾洮障大澤以處太原原顛項嘉之封諸汾川沈奴蓐黃皆其後今為深河之神

陽曲縣志

卷之十三

封建

八

四百

唐堯帝摯之弟初封於陶唐唐為唐侯即今太原故號

實沈高辛氏二子伯曰闕伯季曰實沈各不相能帝堯遷闕伯於商丘主辰遷實沈於大夏主

參參晉星也

周唐叔虞周成王之弟王即位之五年削桐葉為圭戲以封叔虞史佚以為王者無戲言遂封

叔虞於堯之故墟曰唐侯

晉侯燮叔虞之子嗣封因南有晉水更國名曰晉自叔虞而下十四傳至潛侯為曲沃武公

併所

趙侯籍造父之後造父封於趙城其後裔趙風為晉獻公將生哀事文公至烈侯籍始三分

晉地自居其國國在晉陽後徙邯鄲武靈變風俗而異服惠文用趙奢而破秦孝成受韓之上黨而

趙括大敗於長平
至 繆而滅於秦

漢太原孝王 名參文帝諸姬子二年封為太原王四年徙為代王并得太原都晉陽如故

韓王 姓韓名信高祖以太原郡三十一縣為韓國徙韓信王之都晉陽信以國被邊晉陽去塞

遠請治馬邑討之

太原王 光武即位封其兄續之子章為太原王

魏晉陽侯 姓張名遼曹操時為將破袁紹敗孫權曹丕立以功封

陽曲侯 姓郭名淮曹丕時為鎮西長史討平關中叛人進封陽曲侯

晉太原成王 名輔安平王孚之子武帝受禪先封渤海王後徙為太原王

太原烈王 名瓌安平王孚之子武帝受禪封

陽曲縣志 卷之十三 封建 九

陳太原王 名叔匡字子佐高宗第三十四子禎明三年封

元魏晉王 名伏羅太武帝子真君二年封

太原王 姓爾朱名榮以迎立莊帝功封

陽曲縣公 姓斛斯名椿以從爾朱榮征伐有功封

北齊太原王 名紹德文宣帝第三子天保初封

太原王 姓婁名昭武明皇后母弟追封

後周冀王 名通文帝子建德三年封

晉陽公 姓李名榘趙國公李弼弟以戰功封

太原郡公 姓王名思政以戰功封

唐晉王

名昭煬帝長子仁壽初封立為皇太子

唐太原王

名承宗建成長子早卒

晉王

名治太宗第九子初封晉王後立為太子即帝位

冀王

名絳順宗子貞元四年封

太原郡公

姓郭名知運以戰功封

晉國公

姓薛名稷睿宗時封

晉國公

姓裴名談以平章事封又裴垵裴度俱封

冀國公

姓裴名熙績以刑部尚書封子居道襲封又裴冕以靈武功封

五代晉王

名克用唐昭宗乾熙三年封子莊宗即皇帝位追封太祖

陽曲縣志

卷之十三

封建

十

四百五十五

宋冀王

名儒神宗子初封景國公追封王

明晉王

名搆太祖第三子洪武三年封時年十三又七年之國山西已而得罪廢懿文太子調護

得還洪武十三年薨謚曰恭世子濟熿嗣靖難後封濟熿弟濟熿平陽王濟炫慶成王濟熿子美圭

封晉世子濟熿狼戾失愛憾其父併憾濟熿不為解曠慶成諸王日訴濟熿過於朝又誘府中官使

誣濟熿罪竟奪濟熿爵命廢美圭為庶人守恭王園濟熿遂得嗣王益驕橫百方幽苦濟熿父子恭

王有老媪不能平走訴文皇立召獄中晉府承奉左微問之盡知濟熿構濟熿狀即釋微馳驛召濟

熿父子時濟熿囚空室已十年左微者濟熿嘗言其佐濟熿為逆逮治京師府中言微死久矣微至

一府大驚微入空室解濟熿縲繼相抱持大慟濟熿自是怨望出悖語濟熿父子見上行在所濟熿

病憊甚上見之惻然不直濟熿遂封美圭為平陽王俾奉父喪中陽恭王故有田在建德

美圭失濟熾奪不與美圭上聞仁宗再三諭濟熾
還美圭不從美圭言連伯卿地隸平陽不隸太原
因及向巫構事仁宗遣人視難果隸平陽又書諭
濟熾曰美圭父子困頓累年詩曰眷令在原兄弟
急難每用吟咏感念無已緬惟賢弟同吾此心又
書諭美圭曰朕諭晉王讓汝田兄弟叔侄本同一
氣任事叔益恭愛當憐汝濟熾得書又聞朝廷賜
濟熾王冠服遂廣致妖巫府中造咒咀事仁宗崩
又不服喪宜宗即位憐濟熾父子時時問勞濟熾
咒咀事益露踪跡自度罪不可解遣人結高煦謀
不執日夜造兵器寧化王濟熾告變上曰勿洩濟熾固自
高煦又得濟熾與交通書上又曰勿洩濟熾固自
知益反側不安其所遣請高煦人又走京師首服
內使劉信又奏濟熾擅取屯糧十萬石給護軍欲
及應高煦并咒咀事寧化王又言濟熾毒殺其母
濟熾始懼辭王爵及護衛不聽遺書及勅符召濟
熾至示以諸所發奸逆狀濟熾伏地頓首言臣罪
萬死上書諭諸王曰去歲高煦反罪人既得奸黨

陽曲縣志

卷之十三

封建

十一

六百九十五

人皆言趙晉二王實與謀予未忍信今晉府人累
上告變徐察之有驗不誣趙王自知事不可揜已
辭護衛濟熾得罪宗社不敢以私親廢大義謹遵
祖訓免為庶人屏之鳳陽誅其同謀及妖巫數人
恭王妃在晉府者令美圭迎平陽奉養復濟熾晉
王薨謚曰定美圭嗣王薨謚曰憲子鍾鉉嗣王薨
謚曰莊世子奇源未及嗣王先薨世孫表榮未及
嗣王亦先薨世曾孫知焯嗣王贈祖奇源為靖王
父表榮為懷王知焯薨謚曰端無子新化端和王
庶長子新煥以姪嗣王新化王者晉靖王次子表
謙也謚恭裕恭裕王子知節謚端和端和王二子
長新煥次新嶠初端王薨而無子靖王庶子榮澤
王表榮與新化諸王皆王叔兄弟也曰嗣王者非
新煥即新嶠然皆勿攝府事則我長王妃王氏曰
晉王無後次及新化王新化王父子卒有孫新煥
在也即召入府拜几筵為後榮澤王上疏曰我叔
父行願不得上新煥端和王長子長子不得為人
後新煥宜嗣新化王新煥嗣晉王禮也疏下

議新地宜嗣晉王俟服闋請封又言祖制統王絕
郡王以序繼親王其郡王不復請繼封次子止封
鎮國將軍新地得嗣晉王贈父為康王新地薨謚
曰簡無嗣以倫序取新化鎮國將軍新地長子輔
國將軍慎鏡繼未襲封薨謚曰敬兄終弟及以輔
國將軍慎錕封王二年薨謚曰惠子敏淳勿推賢
舉寧河王知火攝國五年而晉王封又輔理三年
而王壯始當國政薨謚曰穆子求桂嗣王薨謚曰
裕子審烜嗣王甲申二月初八日賊李自成破太
原劫王北上國遂除

陽曲王

名羨堃定王第三子正統二年分封後革
王爵止襲管理府事

陽曲縣志

卷之十三

封建

十三

二百二十七

叢紀

戴夢熊曰紀何為而云叢也從來載籍極博其所
論辨者多異說所傳聞者多異詞棄之不可故集
之然非樂於集異也天地之大古今之遙何說不
有何事不有何人何物不有別其類以名篇庶其
紛此叢紀之所由作也夫叢紀紀其有關於一邑
者可耳何為並怪誕者不削曰辨論詳所以廣識
也遺事書所以備考也異聞錄所以博物也鑒戒
著所以懲惡也數者備而志事畢焉矣志叢紀

陽曲縣志

卷之十三

叢紀

十三

太原辨

詩云至於太原在雍州禹貢云既修
在冀州夫周都豐鎬侵鎬及方至於

地理志涇水出安定涇陽縣今原州百泉縣
山也此地東北至太原二千餘里山川險阻
介其中似風馬牛不相及又禹貢原隰底績
引鄭氏云其地在今邠州唐有涇原節度使
原州即唐原州故城詩人所云至於太原者
州而言非冀州之太原也朱子在南渡後未
方偶傳
誤耳

冀并考

并州乃恒山以旁之郡帝舜始置分
境者也周禮正北曰并州其鎮曰恒

狄元命苞曰管室流為并州分為衛國夫不
水恒山為號而曰并者蓋以其在兩谷之間
地理誌并州所屬十郡而雲中定襄五原代
已居其五西河朔方乃武帝新置之郡而漢
置五原則又得其六矣遠於是者南不邊上
原西不過上郡總不出虞分之處焉不邊上

中而疆域之形反與矣何者漢以前之并并之也十郡隸而北境過其半魏所置之并非并之全也陘嶺以北舉棄之雖有新興之名而無其實矣

汾水源流 按水經注山海經曰北次二經之首其東首枕汾名曰管涔之山其上無草木而下多玉汾水出焉而流注於河十三州志曰出武州之燕京山亦管涔之異名也其山重阜修巖有草無木泉源道於南麓之下蓋稚水濛流耳又西南夾岸連山聯峯接勢對淵族子曜嘗隱居於管涔之山夜中忽有二童子入跪曰管涔山王使小臣奉謁趙皇帝獻劍一口置前再拜而去以燭視之劍長二尺光澤非常背有銘曰神劍服御除衆毒曜遂服之劍隨變為五色也後曜遂為逆王矣汾水又南與東西温谿合温谿水出右近谿澤流翼注水上襟樹交蔭雲垂煙接自是水流潭漲波襄轉泛又南逕一城東憑壙積石側枕汾水俗謂之代城城又南出二城間其城角倚翼枕汾流

陽曲縣志

卷之十三

叢紀

古

六百三

世謂之侯莫干城汾水又南逕汾陽縣故城東川土寬平峘山夷水故地理志汾水出汾陽縣北山西南流者也漢高祖十一年封斬彊為侯國復立屯農積粟在斯謂之羊腸倉山有羊腸之坂在晉陽西北石磴榮委若羊腸焉漢永平中治滹沱石曰河按司馬彪後漢郡國志常山南行唐縣有石曰谷蓋谷乘滹沱之水轉山東之費自都盧至羊腸倉將憑汾以漕太原用實秦晉苦役連年轉運所經凡三百八十九隘死者無筭拜鄧訓為謁者監護水功訓隱知其難立具言肅宗肅宗從之全活數千人和憲鄧后之立叔父以為訓積善所致也羊腸即此倉也魏土地記曰秀容塞外人徙居之立秀容護軍治沿水六十里南與酸水合酸水出少陽之山東南流注於汾水汾水又南出山東南流洛陰水注之洛陰水出新興都西流逕洛陰城北又西逕孟縣故城南春秋左傳僖公二十八年分祁氏七縣為大夫之邑以孟丙為孟大夫蓋陰水、西逕狼孟縣故城南王莽之區調遣左

夾澗幽深南面大壑俗謂之飛馬澗舊斷澗為
有南北門門闕故壁尚在洛陰水又西南逕陽
城北魏土地記曰出曲塞外人寄居太原界置
曲護軍治其水西南流注於汾水汾水又南逕
曲城西南注也太原郡治晉陽城秦昭襄王三年
立尚書所謂既修太原者是也春秋說題詞曰高
平曰太原原端也平而有度廣延曰大鹵太原也
釋名曰地不生物曰鹵盧穀梁傳曰中國曰太原
尚書大傳曰東原底平大而高平者謂之太原
取稱焉魏土地記曰城東有汾水南流水東有晉
使持節都督并州諸軍事鎮北將軍太原成王之
碑舊有梁清并頌於梁下預讓死於津側亦襄子
解衣之所在也汾水西逕晉陽城南舊有介子推
祠前有碑廟宇傾頽惟單碑獨存矣今文字剥落
無可尋也汾水又南逕樓陽縣故城東即今清源
縣不悉書

趙氏異微

趙簡子疾五日不知人大夫皆懼醫
鵲視之出董安于問焉扁鵲曰血脉治

陽曲縣志

卷之十三

叢紀

五

音

也而何怪昔秦繆公嘗如此七日而寤寤之日告
公孫支與子輿曰我之帝所甚樂吾所以久者直
有學也帝告我晉國將大亂五世不安其後晉
未老而死霸者之子且今而國男女無別公孫支
書而藏之秦讖於是出矣獻公之亂文公之霸
公敗秦師於殽而歸縱淫此子之所聞今王君之
疾與之同不出三日疾必間間必有言也若二日
半簡子寤語大夫曰我之帝所甚樂與百神遊於
鈞天廣樂九奏萬舞不類三代之樂其聲動人心
有一熊欲來援我帝命我射之中熊熊死又一熊
欲來我又射之中熊熊死帝甚喜賜我二笥皆有
副吾見兒在帝側帝屬我一翟大口及而子之壯
也以賜之帝告我晉國且世衰七世而亡嬴姓將
大敗周人於范魁之西而亦不能有也余思虞舜
之勲適余將以其肖女孟姚配而七世之孫董安
于受言而書藏之以扁鵲言告簡子簡子賜而
田四萬畝他日簡子出有人當道辟之不去
怒將外之當道者曰女欲有謂於王君從者

簡子召之曰請吾言所九子也當道者曰
石頤有謁簡子屏人當道者曰主君之疾臣在帝
則簡子曰然有之子之兄我何為當道者曰帝令
主君射熊與羆皆死簡子曰是且何也當道者曰
晉國且有難主君首之帝令主君滅二卿夫熊
與羆皆其祖也簡子曰帝賜我二笥皆有副何也
當道者曰主君之子將克二國於翟昔子姓也簡
子曰吾見兒在帝側帝賜我一翟犬曰及而子之
長以賜之夫兒何謂以賜翟犬當道者曰兒主君
之子也翟犬者代之先也主君之子且必有代及
至君之後嗣且有革政而并二國於翟簡子問其
姓名而延之以官當道者曰臣野人致帝命耳遂
不見簡子書藏之府○趙襄子奔保晉陽原過後
而後至於王澤見三人自帶以上可見自帶以下
不見與原過竹二節莫通口為我以是遺趙無郵
原過既至以告襄子齋三日親自剖竹有朱書曰
趙無郵余霍泰山山陽侯天使也三月丙戌余將
使女及滅知氏女亦立我百邑余將賜汝林胡之

陽曲縣志

卷之十三

叢紀

六

利六

地至於後世且有仇王亦黑龍面鳥喙鬚麋鬚類
大膺大胸修下而馮左衽界乘奄有河宗至於林
溷諸貉南伐晉別北滅黑
姑襄子再拜受三命之令
銅柱 智伯將伐趙趙襄子曰柰無箭何張孟談曰
董安于之治晉陽公宮之堂皆鍊銅為柱君
爨而用之
有餘金矣

晉陽槐木

晉陽都城北有槐木一日三榮三梓

大佛古寺

按集異記隋開皇中釋子澄空年甫二
十誓願於汾西鑄像高七十尺焉鳩集

金炭細求用度周二十年物力乃辨於是告報還
通大集賢愚然後選日而寫像焉及煙焰滅息發
爐之後其像無成澄空深自咎責稽首懺悔復堅
前約再謀鑄造精勤艱苦又二十年事費復備
天告報還通大集賢愚然後選日而寫像焉及
爐又復無成澄空於是呼天求哀即佛請罪大如

數推深自勵勵又二十年功力復集乃告退通
集賢愚然後選日而寫像焉及期澄空乃登爐
百尺懸絕揚聲謂觀者曰吾少發誓願鑄寫大像
今年八十兩已不成此更不成則吾無身以終志
矣况經衆虛費積年如或踵前失吾亦無面目見
衆善也吾今俟其啓爐欲於金液而捨命焉一以
謝憊於諸佛一以表誠於衆善倘大像圓滿後五
十年吾當爲建重閣耳聚觀萬衆號泣諫止而澄
空殊不聽覽俄而金液注射赫耀踴躍澄空於是
辭謝投身如飛鳥而入焉及開爐鐵像莊麗端妙
毫髮皆備自是并州之人咸思啓閣以覆之而佛
身洪大功用極廣自非殊力無自而致開元初李
嵩充天平軍節度使出遊因仰大像嘆曰如此好
像而爲風日所侵痛哉即施錢七萬緡周歲之內
而重閣成就只今北都謂之平等閣者是也計僧
死像成之日至嵩正五十年矣以釋法推之則嵩
也得非澄空
之後身歟

陽曲縣志

卷之十三

叢紀

七

利天百志不

丹丘子

隋開皇末有老翁狀貌甚異詣神堯於晉
陽曰隋氏將絕李氏將興天之所命其君

乎神堯惕然自失翁曰隋氏無聞前代繼周而興
事踰晉魏雖平定南土蓋爲君驪除天將有所啓
耳又曰公應天受命當不勞而定但在丹丘子之
後然丹丘先生疑情物外恐不復以世網累心倘
或俯就公若不相持於中原當爲其佐神堯曰先
生安在翁曰隱居雲杜間神堯遂袖劍詣焉至則
伏謁於苦宇下先生據牀曰吾久厭濁世汝羶於
時者顯晦既殊幸無見忌神堯愕然謝之而還
敬德錢庫 隋末有書生居太原苦於家貧以教授
數萬貫遂欲携孥有金甲人持戈曰汝要錢可取
尉遲公帖來此是尉遲敬德錢也書生訪至鐵冶
處有煨鐵尉遲敬德者方袒露蓬首生前拜之敬
德問曰何故曰向是下乞錢五百貫公怒曰某打
鐵人安得如許錢書生曰但賜一帖何如公不謂
已書帖後署年月與之書生持帖至庫呈之金甲

因是也令繫於梁上高處遣書生且取錢五百兩
後敬德佐神堯立殊功請歸鄉里勅賜錢一庫圖
簿欠五百貫將罪主者怒於梁上得帖子敬德視
之乃與書生帖焉敬德嘆者累日因訪書生陳所
見仍以庫物分惠故舊

梁公針術 狄梁公性嫻醫藥尤妙針術顯慶間應
制入關路由華州閿闔之北稠人廣衆

聚觀如堵梁公引轡遙望有巨碑大字云能療此
兒酬絹千疋既就觀之有富室兒年可十四五卧
碑上真端生贅大如拳石根蒂綴鼻纒如食筋或
觸之酸疼刻骨於是兩眼為贅所繩目睛翻白痛
楚危極頃刻將絕惻然久之乃曰吾能為也其父
母洎親屬叩顙祈請即輦千絹置於座側梁公因
令扶起即於腦後下針寸許仍詢病者曰針氣已
達病處乎病人頷之遂抽針疣贅應手而落雙目
如初曾無病痛其父母親眷且泣且拜以縑物奉
焉梁公笑曰吾哀爾病之危篤吾蓋急病行志耳

陽曲縣志 卷之十三 叢紀 六

吾非鬻技者
也不顧而去

黑青爲妖 正德六年六月民間訛言黑青至有物
如飛鷲夜入人家打破體膚則黃水出

其形或如驢或如狗黑氣蒙之民間恐怖夜擊銅
鐵以自衛通宵不寐十餘日乃息隆慶初石州獲
黑青復見○按宋史哲宗時黑青見於禁中又曰
黑漢腥氣觸人其形硜硜然有聲與此不同愚意
流賊殺掠之後其冤抑之氣驚怖之聲發而爲妖
非若宋時之黑青也

忠節受誣 嘉靖乙未四月二十七日巡撫麾下標
兵王慶賈壽等作亂尋撲滅之按標兵

之設始於平涼趙公時春其人率豪猾猛悍鮮衣
怒馬月支大小糧例夏秋之時草木茂盛馬草料
暫停而惟標下親丁獨不然巡撫葛公縉以兵興
費絀議減標兵糧如常例衆心既戚又將之者非
統馭才一夕鼓譟而起剽掠城市焚劫公府察將
高鵬掌兵事首迫脅之高不爲動刺殺之時遊擊

擊賊不勝而死都司鄭印者聞變橫刃步出大呼
左袒三衛甲士四集麾下討賊於市盡殲焉不崇
朝而定時當事者畏朝廷譴問籍口高軍以自解
未幾鄭以靖亂陞而畢公之義久不宣居數歲少
司馬南昌萬公爲巡撫知其事詢諸士民良信檄
下有司祠畢公於北門之月城而高公之枉死至
今不自白兩朝憲章錄嘉隆聞見紀按葛使奏書以
爲實豈不冤哉當時有耳目之而無片字聞永陵
忠乎義乎漸滅盡矣余聞標兵之叛也始於張展
說水滸傳其撲滅之易也成於杜學詩之告變人
但謂因削糧故反不知反叛已定削亦反不削亦
反

救荒八議

嘉靖八年太原大饑饑莩載道參政王
尚綱上救荒八議一曰愍饑饉乞遣使
行部問民疾苦二曰郵暴露乞有司祭瘞稍釋厲
氣三曰救貧民乞支散廩積秋成補還四曰停徵

陽曲縣志

卷之十三

叢紀

九

金濟民賴以寧

歛乞截日住徵以俟豐年五日信告令乞勸分菽
粟六日推糶買乞令無閉遏七日謹預備乞申舊
例措處積貯勿使廩廩空虛八日恤流亡乞所過
州縣加意存恤勿使羣聚思亂嘉靖四十年復荒
知府於公惟一獲竊盜曰饑民給小粟釋放令省
改僉事王公喬年第一盜輒令隸卒引至吊橋下
折其腿骨寬嚴
金濟民賴以寧

白蓮大獄

李福達崞縣人初以妖賊王良謀反連
坐發戍山丹衛迺還改名李五寓陝西

洛川縣倡彌勒佛教愚民被其狂惑爭出財帛以
聽指使福達使邵進祿等於某處某處聚衆相俟
乃携貲潛歸山西進祿等事露因捕急遂與衆作
亂久之捕獲供稱李五首謀福達聞之竄居五臺
易姓名曰張寅已又携重貲入京竄入匠籍輸粟
爲太原衛指揮潛住同戈驛其仇薛良首發之先
後輒訊者代州知州杜蕙胡偉誣之者李景全等
凡三千人員獄上按察使徐文舉布政使李璋與

上巡按張英皆如訊獨巡撫畢謂福達聚眾
香反其獄以居民戚廣等為証坐良証告罪
尋畢昭乞侍養去御史馬錄按山西復窮治之
巡撫江湖考訊如前語大逆獄成先是寅在京師
寓武定侯郭勛所為勛燒煉至是勛為關說錄漸
並劾勛黨逆宜並治左都御史聶賢等亦言福達
煽亂郭勛通賊宜並坐得旨令勛對狀具職謝罪
上特宥之已而給事中程輅常泰等先後上疏劾
勛上令逮福達來京審問刑部尚書顏頤壽等於
午門外會訊薛良李景全等共指福達福達語塞
至訊戚廣等則云我曩未就吏訊安得此言獄上
上怒頤壽等偏徇欲親鞫大學士楊一清諫止仍
屬諸勘官會訊刑部主事唐樞言福達罪擬死不
枉上怒黜為民頤壽等懼乃指為疑獄上切責頤
壽等仍械繫馬錄下鎮撫司掠治一時論救諸臣
俱遭逮繫於是頤壽等更議出福達以薛良抵罪
而不及馬錄上怒並逮頤壽等下獄命張璠方彥
志挂萼署三法司事搜馬錄篋中得大學士賈詠

陽曲縣志

卷之十三

叢紀

二十

光緒九年

御史張英都御史張仲賢大理寺丞汪淵工部侍
郎閔楷私書及郭勛囑書凡六緝詠書別有所囑
英等頗及福達事賈詠引罪告休遂坐薛良証告
論死石文舉等証証布政使今陞都御史李璋按
察使今陞大理寺少卿徐文華附巡按殺人婦
人俱發戍極邊遇赦不宥給事中劉琦御史盧瓊
挾私彈劾戍邊給事中王科張達秦祐沈漢鄭
鵬程繫扶同妄奏俱為民邢部尚書顏頤壽侍郎
劉玉王啓都御史江湖劉文莊大理寺卿湯沐少
卿顧沁寺丞汪淵畏避言官推勘不實大僕寺卿
汪汝錫光祿寺少卿余才逞忿橫議吏部侍郎孟
春工部侍郎閔楷都御史張仲賢交通私禮俱革
職閑任知州杜蕙胡偉下巡按御史詢問巡撫畢
昭與張寅父子俱免罪還職馬錄故入人死罪未
決初擬徙上以擬徒為輕復擬發煙瘴地面永戍
諸臣出差逮捕至者給事中常泰員外劉仕俱戍
邊寺副杜鸞御史高世魁任淳南京御史姚鳴鳳
刑部員外今陞參事馬相俱為民金都御史

尚節史今陞太僕寺人張英志南京御史滿江
雖俱閑任時嘉靖六年丁亥八月也後二十年
丑勛坐殺人律論死至隆慶間蜀妖賊蔡萬貫
出以山西叛逆李桐為師桐真孫也始論死棄市
問府元龜 閩兵憲鐸家藏抄錄兩府元龜百冊世
所珍重每兩臺使清戎鹽法使屈晉者
令太原府或陽曲縣抄錄一部費民金錢無筭安
慶於公惟一守太原下車聞其事召其子諸生某
戒之曰若翁之書若不能讀媿矣似先公之謂何
又輕售人而累及我長吏百姓乎何忍也速附祖
龍不則坐此論黜後來索書者於公以回祿災報
而禍苗始絕矣

兩庠文風

太原府縣兩學金峙中隔一墻門通往
來堪輿取左通右達之義又謂鑿壁偷
光大關兩庠文運登賢書者科不乏人萬曆乙酉
以前有好事者塞其門是科兩庠晚榜諸青衫士
謹然歸咎於塞者因仍復舊貫至下科連中魁解
後科第復盛云

陽曲縣志

卷之十三

叢紀

三

光緒三十八

賢奄善行

萬曆中上為三墩大工納採推之議分
遣閣使四出所至騷然民不堪命先來
晉者為孫姓偶物故採且罷繼之者則保定張忠
也尊賢重義貞操雅誼每推課額外毫不妄索且
禁其下等得倚逞用是晉人安堵無擾至值歲早
諸廟虔禱又以三百金佐賑尋疏民艱難請罷推
務乞還侍廟尤諸使中之難得者因嘉其善而不
民之

尚義活衆

萬曆己酉年大荒米珠薪桂人至相食
郡人黎政傳公霖施粥百日米費四百
斛所居前後左右諸貧生賑米銀二十錢知州傅
公震施粥費米百斛辛丑壬寅年復大饑霖於小
彌陀寺燃大地坑收宿貧民有死亡者施棺葬埋
復施粥起冬月至來年熟乃止費如前晉王佐賑
米四百斛周寒士者百斛王公立賢馬公朝陽李
公光輝王公月辰馬公惟駟潘公文周公大年李
公三樂亢公繼志王公藻王公有才李公繼芳趙
公尚忠文公華王公劍所輸或百斛或五十

二十斛民賴全活者
樂萬當道棹柳以旌表

橋下仁人

辛丑荒南門外釣橋下宿止三餓人一老者一老婦一壯者蓋東人而來就食

者收窮人棄子女乞食哺之無見女者稍餽以銀抱去螺負嬰兒賴以全活者甚衆三人以此不死

豐年各還鄉府照磨籍樓閣而異之給銀三錢米一斛當顛連之時而能如此蒲腔天理陰德無量

可與京師育嬰堂柴居士並傳○李方藜曰宋徽欽問杭州乞兒有老母寓錢塘門外敗船中乞必

異筒以分羨惡進食歌舞時云蔡京父子不如抗城乞兒孝也明末江南有丐者題詩金水橋上三

百年來餐士朝如何文武盡皆逃綱常留在卑田院乞丐羞存命一條忠也襟志載萬曆辛丑歲饑

迎澤門外橋下有東人來就食者一老一壯一婦人收養遺棄嬰兒全活甚衆仁也古來聖賢之道

卽此三者盡之矣雖極貧窮隨地可以自盡又何必據高位席素封升座聚徒著書立說而後爲豈

陽曲縣志

卷之十三

叢紀

三

五言

哉

講書讀史

馮季府庠廩生善講書郭麓池先生署學道每行香講書少有當於心者往往

命馮則大學中庸一氣分解如順坂走丸隨風縱棹有味乎其言之也環橋門而觀聽者濟濟雖故

事乎而今無其人矣張文明爲諸生時最喜看綱目每鄉科落第無愠色曰把綱目再看一過登甲

科爲名御史豈偶然哉今日青衫卽通鑑節要且置勿問而况綱目耶

拒絕權奄

督學道劉奮庸洛陽人其鄉有爲巨奄者百計致之欲識一面卒不可得此正

人君子也通志以非居官於晉之事削而不載謹志其視青衫若子弟及不入寺人之圍等事余恐

後人因彼而忘此附記之以俟考

除姦活民

孫化龍獲鹿人爲太原守時孟有妾淫子假神巫爲奸刑號於人口我

吾也不樂侍而至此每博記者戒期而後入則使人於其所居之地訪其生平所為使巫者責之至有愧汗不敢仰視者一時歸者如鶩所獲金錢無算公知其狀使巫曰趣為我問雨期期不雨則鞭背而納諸園土智窮詐見坐以左道律屬無年則煮粥以活饑民屬大札則醫藥以救疾苦死者為之埋葬通志亦遺其事載之未詳附記之以俟考

省城文運

開化寺舊有古塔本城科甲鼎盛父子多繼登大位好事者率意拆毀歷八科得甲止二人甲申燒毀東南角樓雖經補建龍頭樓勢不及三角雄壯自順治元年以迄今茲監貢科甲受職民牧近三十人尚無一人膺遷陞者查安邑聞喜崞縣修改風水科甲聯翩的有徵應儒者亦不可執理而訕堪輿也尚望賢良長吏相繼而振起之

奸民掘塚

甲申以來晉郊遠近墳塚發掘殆盡始取金珠繼取衣衾既且取棺槨矣如是

陽曲縣志

卷之十三

叢紀

三

六百二

者三十年靡所禁止邑侯邢公振岳捕其渠魁十數人置之法始少息未數年又掘侯中書塚邑侯戴公夢熊大捕其黨數十人悉置之法此後未聞有掘塚者矣易曰古之葬者厚衣之以薪不封不樹周太祖殮以瓦棺緋衣將葬開棺示人既葬刻石以告後世載在經史不曰遠而迂後之子孫愛其親者可不思所預防哉

愚俗輕生

投繯赴井之事惟晉中最多惟晉中婦女尤多詎天性然與蓋由晉之人家貧而重犯法愚夫愚婦多藉此恐嚇因以殞命者比比矣前邑侯牛公應徵嚴禁之凡自死者悉置不問故一時橫亡者絕少嗣後郡伯吳公延壽刊示所屬今邑侯戴公夢熊遍示各鄉情詞懇惻家喻戶曉當無不洒然悟翻然改者仁人之言其利溥哉

賊破太原

崇禎癸未冬十月李自成據秦太原戒嚴執事者調宣張都司領兵一

各守南關大城內有櫓標十小將王步月等總兵
三千名為戰計太原營兵一千名舊營兵一千名
為守計明年甲申正月賊渡黃河而東所過郡邑
望風降逆毒刑逼餉宗室鄉紳宦裔富民苦死者
不計其數二月初賊至大佛寺巡撫蔡公懋德使
小將柳同春率所部兵探賊同春未見賊兵同衆
潰散初六日賊至城下時宣鎮張都司守南關按
察司楊公本誠為大城南面主守督糧道蔣公羽
中為東面主守督學道黎公志陞為北面主守
巡道畢公拱辰為西面主守巡撫蔡公懋德總巡
四面事宜其餘官員各守倉庫賊先攻南關宜鎮
兵開關門迎降巡撫蔡公心知兵將不用命遂不
敢遣一卒以一矢加遣南關城樓正對大城重鎮
樓楊公本誠恐賊據南關城樓大城樓受敵募勇
士曹扭兒縋城下竟上南關城樓用火燒毀楊公
賞銀五十兩初七日賊盡力攻打驅難民為先資
賊上砲子中南關順城門樓引藥樓內所貯火藥
即時燒毀大城牌夫望賊散亂無紀奮欲殺賊自

陽曲縣志

卷之十三

叢紀

十四

六百七

於主守縋城下生擒二人磔之城內居民有善鳥
籠者私聯數十人請於蔡公願以鳥籠打賊公食
擊中一賊者賞銀二兩人爭擊之已而擊賊者衆
有司吝賞鎗手之志遂懈申刻賊攻東南角甚急
兵士用火礮擊賊藥線未及櫓下火礮四裂
延燒角樓樓內所貯火藥一時俱焚燒死管火器
千總陳嘉琦弟陳嘉貴及兵民人等甚衆城中哭
聲震天盡無人色至夜狂風大作勢若轟雷牌夫
震驚猶堅守無去志初八日昧爽小將張急馳奪
南門出降賊焚新南門遂蜂擁入城中軍應時盛
引巡撫蔡公懋德至三立書院時盛曰城既破老
爺當死中軍亦不敢負老爺獨生蔡公領之時盛
結繩梁間蔡公引頸入環死時盛亦引頸入環死
時北城牌夫尚未知賊入城猶用砲石紛投擊賊
俄而賊至多殺死塚下者其時民間投井懸梁自
焚不可勝紀甚至有全家自盡者賊令曳屍城外
圍深三丈許積屍竟與之平嗚呼晉民未負朝正

有司靖節賊既感太原獲布政趙公建極公不避
爲清官如何藏此樂器公曰我老面無子服官勞
無以自遣一姬能鼓此政暇令一鼓之解愁鬱何
碍我清賊要公受僞官公死拒之賊令曳之出公
厲聲呼萬歲者再賊復令轉來問公曰爾呼我求
生耶卽舍之公曰我呼我萬歲耳豈呼賊耶遂殺
之巡寧道畢公拱辰賊脅公晉府前賊適得新刀
數口殺人公睨視賊問公爾看何爲公曰看那刀
好殺我賊卽以其刀殺之守寧道毛公支炳督糧
道蘭公剛中皆以升臣出者毛公守北城賊入城
毛公易衣雜入王中書宅三日夜補一貂套爲賊
覓左右拉殺之於晉府前蘭公守東城賊入城編
索諸官司獨不得按察司督糧道二人且置之一
賊掠得箱籠方掠人昇得布政司吏宋某者令昇
宋辭一人難獨舉賊曰已有人在酒肆中曳至宋
見一人敵衣爲備狀宋諦視則蘭糧道也蘭自宋
使無言宋默然卽與昇箱隨賊行數步宋小語曰

陽曲縣志

卷之十三

叢紀

五

六頁

老爺換身賊覺因得糧道殺之有諸生某爲賊掠
入後營見提學黎志陞戴羊皮笠青布大襖跪白
賊將曰本道歷任三月尚未入考棚旁立韓宰憲
霖代爲解曰此天下文章士也賊將命之起爲易
衣冠黎色喜不桀旣而僞錄爲考文官隨大同去
按察使楊公本鐵守南城乘亂跨騎雜人叢中出
西振武門奔西山懸壑寺後脫身歸知府孫公康
周見殺同知李公一清已陞任蔡公留守城亦見
殺署陽曲縣事長史范志泰初被執賊拊夾之勒
出資與之復夾泰哀告曰放某放某尚能效一臂
用賊不聽益以相夾其頭泰痛極知不能生恚憤
曰真賊真賊那有如此刑罰晴出腦裂死

鄉紳被拷

初賊陷秦有傳泰中士夫被賊嚴刑勒
賫助餉者晉人未甚信也至是賊到遍

令賊將搜捕鄉紳旁及富生宗室富民及鄉紳之
族屬妻婢拘夾逼餉邵邑則委之僞守令賊將
刻倍甚一時上夫死亡無幾有者○濟雲翼癸丑
進上太僕寺卿守城事官俱公經畫誓乘

地封沙夾死獄中 郭人 吉太原縣人 萬曆壬子
舉人刑部主事守西城被夾死 千可久萬曆已
酉舉人桂林府同知被夾死 崔嗣遠萬曆丙午
舉人北直靜海知縣被夾死 萬砥太原前衛人
萬曆丙午舉人四川漢州知州被夾死 朱敏漭
宗貢河南睢州知州被夾死 朱新塘宗貢張秋
通判被夾死 鄭材天啓恩貢山海關通判被夾
死 張先猷景維子崇禎壬午舉人賊以父居官
亦被斫 夾而死

遷解長安 五月賊李自成敗歸時鄉紳夾而未死
者並子弟婦女猶幽禁追比賊至始釋

之既乃令闔郡鄉宦及妻孥盡起送西安遂有死
於彼土如郡城王公嘉言忻州賈公亭太原鞏公
皇至王公嘉言骸骨暴棄秦中未得歸葬更有徐
溝張公某夫妻同縊死於秦寺定襄喬公某夫妻
縊死狼孟明年 王師下
西安各宦宦家屬放還

陽曲縣志 卷之十三 叢紀 三 澄晉五

宗室就義 八月陳永福以僞文水伯鎮晉時宗支
尚多永福陰令四城僞將分信捕緝於

初八日城門畫局大索一日得千餘人殺於海子
堰開宅後妻產並沒於賊明日大赦諸王子弟村
居者 僅免

群盜受死 順治元年九月十三日 王師至太原
永福遣賊四出搜野爲固守計時西洋

神砲未至始息士馬以待十月初三日砲至齊集
西北角攻打永福勒馬城頭指揮守禦不移時城
垣立毀十餘丈 王師擁上賊衆奔逃城外伏兵
四起殺賊盈野畧如二月城破時間有逸者亦被
四鄉居民擒斬之城中搜捕無遺永福先乘亂奪
東門南逃不知所往大都督孟公下令兵集城頭
不得擅入民舍
城中秋毫無犯

晉殿灰燼 晉藩殿宇宮闈宏麗冠諸藩賊李自成
破太原入宮內首索金帛驅宮女已而

冰王北山珍物圖書玩好斥歷世所蓄蕩然四
稍為奸民所得而毀裂焚燬已十之六七後為
永福所據其左右亦多攘竊有以寶賢堂吉石刻
斷砌馬槽者甚可嘆也及大兵破城永福逃遁
督撫馬公下令禁止不許一人入府布政陸公封
肩曉示丙戌四月十二日夜不知火從何起烈焰
燭天俱成五色比日出自內城至宮門大毀東西
齋殿靈壽等宮盡為灰燼飛煙逾月始息傳曰人
火曰火天火曰災晉藩之燬天與人當必有識之
者

南關廢興

甲申五月賊李自成敗歸西遁路經榆
次士民閉門抗拒賊怒攻破屠其城遂
至太原駐馬臨行留陳永福守禦且授以堅壁清
野之計永福遂攤平南關北面城垣仍令民間房
屋自行拆毀違者繩以法民畏其威不數日拆屋
幾盡後王師定太原招民復業民漸葺餘房以
安其居順治十七年巡撫白公如梅修築東西牆
垣接連大城關民始有可恃康熙四年布政王公

陽曲縣志

卷之十三

叢紀

三

澄六百三

顯祥出示募民蓋造每舖面一間給銀五兩民得
其助樂於興工雖空隙未能盡補亦可謂屹然屏
衛康熙甲寅滇黔倡逆大兵經過輒屯駐旬日最
後蒙古一軍騷擾更甚關民依舊逃避室廬遂多
毀壞知縣戴公夢熊力圖興復近始漸有保聚之
勢矣

軫恤災荒

晉中山多地瘠歲復少雨故每當春夏
之交亢暘旬日則禾苗盡槁民不聊生
我朝康熙庚申辛酉二歲旱災特甚賴巡撫穆
公爾賽方伯那公爾觀察庫公爾康率監司守令
以下虔誠步禱有求必應然雨澤不能廣被或近
在城邑或震霖而止以是雲中一帶赤地千里死
亡載道先是巡撫藩臬兩司倡捐率屬發賑不資
旋奉

綸音勸帑二十萬

遣官督賑巡撫藩臬兩司皆撤
從親往按籍散給民沾實惠繼而饑民流集省會
動以萬計巡撫藩臬兩司出示招徠仍設廠煮
賣店安插黎民全活甚衆陽邑雖有災荒而無

他郡尤爲生色也越明年遂撫特既題請開豁逃
亡丁糧哀鴻漸復歡聲如雷乃知堯水九年湯旱
七年固無傷於盛世所難者節鉞大臣實心軫恤
有茲不朽之功耳

陽曲縣志

卷之十三

叢紀

三

卷之十六

